

11. sastanak Parlamentarnog foruma za evropske integracije Bosne i Hercegovine

22. februar 2021. godine, Narodna skupština Republike Srpske, Banja Luka

ZAJEDNI KA IZJAVA

Po završetku 11. sastanka Parlamentarnog foruma za evropske integracije Bosne i Hercegovine, a u skladu sa članom 5. Pravila rada Parlamentarnog foruma, članovi rukovodstva Parlamentarnog foruma:

- Pozivaju na dodatno intenziviranje aktivnosti od strane nadležnih institucija u Bosni i Hercegovini s ciljem što skorije realizacije četrnaest (14) prioriteta iz Mišljenja Evropske komisije na kandidaturu Bosne i Hercegovine za članstvo u Evropsku uniju, kao preduslova za sticanje statusa kandidata za članstvo u Uniji. S tim u vezi, pozdravljaju dosadašnje ostvarene rezultate na izradi sveobuhvatnog nacionalnog programa integrisanja, kao i funkcionisanje mehanizma koordinacije, odnosno zajednički rad i trud svih nivoa vlasti u zemlji na realizaciji zadanih ciljeva;
- Pozdravljaju aktivan angažman Delegacije Evropske unije u Bosni i Hercegovini i Specijalnog predstavnika Evropske unije u Bosni i Hercegovini na ohrabrivanju i podsticanju vlasti na svim nivoima u zemlji u realizaciji zadanih ciljeva u kontekstu procesa evropskih integracija Bosne i Hercegovine;
- Pozdravljaju inicijativu Odbora za evropske integracije i regionalnu saradnju Narodne skupštine Republike Srpske da u saradnji sa Parlamentom Federacije Bosne i Hercegovine, a uz podršku Misije OEBS/OSCE-a u Bosni i Hercegovini, i u narednom periodu nastavi/e sa organizovanjem serije okruglih stolova i/ili konferencija na temu borbe protiv govora mržnje na međunarodnoj i/ili lokalnoj osnovi u opštinama i/ili gradovima u neposrednoj blizini međunarodne granice, ili drugdje gdje je registrovano postojanje takvih slučajeva;
- Svjesni potrebe jačanja uloge parlamenta u procesu evropskih integracija Bosne i Hercegovine, a imaju i u vidu nedovoljno praktikovanje nadzorne uloge istih nadležnih organa izvršne vlasti, pozivaju sve članove parlamenta u Bosni i Hercegovini na svim nivoima da se intenzivnije angažuju u nadzoru implementacije Sporazuma o stabilizaciji i pridruživanju;
- Imaju i u vidu potrebu jačanja stručnih kapaciteta parlamentaraca, a posebno parlamentarnog osoblja u procesu evropskih integracija, pozdravljaju značaj *Twinning* projekta „Osnaživanje i nastavak podrške parlamentima Bosne i Hercegovine u poslovima evropskih integracija“, koja je implementacija u parlamentima u Bosni i Hercegovini trenutno u toku;

- Pozivaju na intenziviranje aktivnosti s ciljem što uspješnije realizacije dostupnih predpristupnih fondova Evropske unije. U tom smislu, posebno naglašavaju važnost kandidovanja što većeg broja projekata koji se odnose na prekograničnu saradnju, time se osim konkretnih benefita za strane učesnike u projektima, u širem smislu tako i poboljšava i regionalna saradnja u regionu Zapadnog Balkana, koja svakako predstavlja jedan od osnovnih kriterijuma za mjerenje uloga zemlje u procesu evropskih integracija;
- Pozdravljaju značaj izdavanja Biltena o evropskim integracijama parlamenta u Bosni i Hercegovini, i s tim u vezi izražavaju podršku Narodnoj skupštini Republike Srpske kao domaćinu u izradi četvrtog po redu Biltena;
- Pozivamo sve odbore/komisije koje se bave evropskim integracijama da za svaku narednu sjednicu dostave pisanu informaciju o svom radu;
- Podržavamo mogućnost da sjednicama Parlamentarnog odbora za stabilizaciju i pridruživanje prisustvuju članovi Parlamentarnog foruma za evropske integracije BiH u svojstvu gosta.